

司馬文正公集

府志卷第五十三

大事志

通鑑

通鑑蜀遣將將兵會岐兵五萬攻雍州劉知俊爲西路行營都招討使拒之大破岐兵於幕谷

溫韜傳韜少爲盜後事李茂貞爲華原鎮將唐諸陵在其境內者悉發掘之昭陵最固韜從埏道下見宮室制度閎麗不異人間中藏前世圖書鍾王筆迹紙墨如新韜悉取之惟乾陵風雨不可發

按已上事並在開平二年

通鑑佑國節度使王重師鎮長安數年梁主怒其貢奉不

時以劉捍爲留後捍至長安重師不爲禮捍譖之云與邠岐通賜自盡夷其族

按事在開平三年

通鑑岐王募華原賊帥溫韜以爲假子於華原美原置義勝軍以韜爲節度使使帥邠岐兵寇長安

按事在乾化元年

綱目岐義勝節度使李彥韜知岐王衰弱舉耀州二州

按五

代史李茂貞以華原縣爲耀州美原縣爲邠州降梁彥韜卽溫韜復姓溫氏名昭

圖

按事在貞明元年

洛中紀異錄高祖崩太宗營獻陵在京兆三原縣唐朱里

宋氏篡立即唐朱之驗矣後莊宗中興乃知里者李也是再造之徵

按事在同光元年

後唐

通鑑唐室諸陵爲溫韜所發唐主以工部郎中李途爲長安按視諸陵使

按事在同光二年

通鑑郭從謙殺莊宗明宗入洛稱監國魏王繼岌至興平聞亂復引兵西謀保鳳翔李從襲曰退不如進請亟東行以救內難還至渭水留守張篋已斷浮梁循水浮渡至渭南從襲謂繼岌曰時事已去王宜自圖繼岌徘徊流涕自

伏於牀命縊殺之

按事在天成元年

王思同傳愍帝以思同爲西面行營馬步軍都部署三月會諸鎮兵圍鳳翔潞王從珂兵弱而守甚堅羽林指揮使楊思權呼曰潞王吾主也乃引軍自西門入降諸鎮兵皆潰思同挺身走至長安西京副留守劉遂雍閉門不納綱目從珂建大將旗鼓整衆而東劉遂雍悉出府庫之財於外軍士前至者卽給賞令過皆不入城從珂至長安遂雍迎謁都監王景從等奔還中外大駭

冊府元龜三月潞王至昭應前鋒執王思同來獻潞王護

之曰賊臣傾我家國殘害骨肉我起兵岐山蓋誅一二

臣起自行間受先朝爵命擁旌仗鉞累歷重藩終無顧
以客殊遇臣非不知攀龍附鳳則福多扶衰濟弱則禍速
但惟瞋目之後無面見先帝釁鼓膏原纍囚之嘗分也潞
王改容欲宥之而楊思權之徒恥見其面與劉延明亟言
之屬潞王醉不待報殺思同并其子德勝

按已上事並在應順元年

後漢

通鑑晉昌節度使趙在禮入朝其裨將留長安者作亂節
度副使李肅討之軍府以安

通鑑蜀主以王處回書招鳳翔節度使侯益以山南西道

節度使張虔釗爲招討使雄武節度使何重建副之共將兵五萬虔釗出散關重建出隴州奉鑾肅衛都虞侯李廷珪將兵二萬出子午谷以援長安諸軍齊發旌旗數十里侯益使吳崇惲持兵籍糧帳西還與趙匡贊同上表請出兵平定關中

按已上事並在天福十二年

趙思綰傳侯益來朝思綰爲趙贊牙將以兵從益東歸行至永興思綰前曰兵館城東然將士家屬皆居城中願縱兵入城挈其家屬益信以爲然思綰與部下入城斬門者十餘人遂閉門劫庫兵以叛高祖遣郭從義王峻討之

通鑑河中永興鳳翔三鎮拒命遣將討之

傳常思屯潼關白文珂屯同州趙思綰屯鳳翔韓建屯華州
峻置柵近長安而二人相惡如水太自春徂秋皆不與其
肯攻戰帝患之欲遣重臣臨督以郭威爲西面軍前招慰
安撫使諸軍皆受節度

按已上事並在乾祐元年

趙思綰傳思綰城中食盡殺人而食每犒宴殺人數百庖
宰一如羊豕計窮募人爲地道將走蜀判官程讓能謂曰
公比於國無嫌但懼死而爲此今國家用兵三方勞弊誠
能翻然效順以功補過庶幾有生若坐守窮城待死而已
思綰然之遣使乞降拜鎮國軍留後

冊府元龜七月永興都部署郭從義奏新降華州留後趙

思緒詔准赴任三移行期有部曲曹彥進告思緒欲與同
惡五百人奔南山入蜀臣等與王俊入城分兵守四門其
趙思緒部下軍各已執仗遂至牙署令召思緒至則執之
與一行徒党並處置訖

按已上事並在乾祐二年

後周

通鑑永興節度李洪信自以漢室近親心不自安城中兵
不滿千人懼遂入朝

按事在廣順元年

宋

潘州騎兵步兵兼管軍之制馬軍牙尉馬

房清遠保節司牧

並永興

威邊壯城

並永興耀

左衛壯武

並耀

本城

勅員

諸州並有

其將校則有馬步軍都指揮使有副都指揮使

都虞候馬軍有都指揮使副都指揮使都虞候步軍亦如

乏

按事在建隆元年

玉海八月京兆府野蠶成繭

按事在建隆四年

玉海八月京兆府野蠶成繭節度使吳廷祚緘絲以獻

按事在乾德三年

天文志七月戊子彗出東井

按事在端拱二年

向敏中傳向敏中爲卿延路緣邊安撫使俄還京兆密詔
許便宜從事敏中得詔視政如常會大讎有告禁卒欲倚
讎爲亂者敏中密使麾兵被甲伏廡下幕中明日盡召賓
僚兵官置酒縱閱命讎人先馳騁於中門外後召至階敏
中振袂一揮伏出盡擒之果各懷短刃卽席斬焉旣屏其
尸以灰沙掃庭張樂宴飲坐賓皆股慄

按事在咸平五年

玉海八月五星聚東井

按事在景德四年

五行志五月耀州甘露降

按事在大中祥符三年

五行志七月京兆府野蠶成繭

按事在大中祥符六年

五行志十一月高陵縣嘉禾合穗

按事在乾興元年

玉海閏五月二日耀州獲受命寶玉檢

按事在治平元年

兵志熙寧之制陝西路騎軍之額自騎射而下有六步軍之額自左衛而下二十有九並改號曰保寧凡一百一十一指揮總二萬五百六十三人內司牧咸陽橋道騎射馬門保節勇勝清遠

並永興

壯城安邊

並永興

左衛壯武

按事在熙寧元年

哲宗紀十月丁巳陝西有前代帝王陵廟處給民五家充守陵戶

五行志耀州粟二莖隔兩壟合爲一穗九月永縣軍地震按已上事並在元祐七年

欽宗紀以京兆府路安撫使范致虛爲陝西五路宣撫使令督勤王兵入援范致虛傳致虛會陝西節制錢蓋師凡十萬入援致虛勇而無謀以僧趙宗印爲叅議官宗印徒大言實未嘗知兵師出武關不戰而潰

按事在靖康元年

五行志正月戊戌長安地震金將婁宿圍城彌旬無外援永地震而入城遂隘

九月金人再犯永興軍經略使郭瑛棄城還保義
谷陝西節制司兵官賀師範及金人戰于八公原敗績死
之

通鑑史斌圍興元不克引兵趨關中義兵統領張宗誘斌
還長安欲徐圖之曲端怒宗遣玠襲斬斌而自襲宗殺之
按已上事並在建炎二年

張浚傳張浚治軍入衛金人北歸復還關陝時金帥兀朮
猶在淮西浚懼其復擾東南謀牽制之遂決策治兵合五
路之師以復永興金人大恐急調兀朮等由京西入援大
戰于富平軍潰退保興州

按事在建炎四年

高宗紀四月金涇原帥趙彬犯耀州趙澄擊走之

按事在紹興元年

天文志七月癸酉太白與歲星合于井

按事在紹興六年又七年四月丁巳九年三月癸卯復合

高宗紀金以陝西地來歸王倫受地于金

按事在紹興九年

高宗紀五月金人圍耀州郭浩遣兵救之金人解去

高宗紀七月永興軍統領辛鎮及金人戰于長安城下敗之金人犯盩厔縣王俊逆戰于東洛谷郤之

按已上事並在紹興十年

宋紀正月癸卯鳳翔統制楊從儀敗金人于渭南

五行志三月庚申金人居長安晝晦兵刃皆火光

按已上事並在紹興十一年

五行志十二月涇渭灞滻皆竭

按事在紹興十二年

天文志六月癸卯太白與熒惑合于井

按事在紹興十四年

天文志六月己亥朔日食于井

按事在紹興十五年

天文志六月戊午太白與填星合于井

按事在紹興十九年又二十年四月庚戌復合又二十

一年閏四月壬辰辰星與填星又二十九年閏六月己未熒惑與歲星並合于井

天文志七月丙午彗星見東井

按事在紹興二十六年

天文志六月庚申朔日食于井

按事在隆興元年

天文志四月乙巳太白與熒惑合于井

按事在隆興五年又七年三月甲午復合又六月癸酉八年五月癸未太白與歲星復合

天文志五月壬辰朔日食于井

按事在隆興九年